

الضمير مات

يا مقهورين

شدوا الحبال

ع الضمير اللي مات

واشنتقوه بين الضلوع

بكفايه ...

عمر ضايح

على بخت مايل

على حزن ماهوش راضي

يصالح في افراحي

وحالف ليخنق في انفاسي

اللي صارت من الماضي

وبيقولولي إيه....
خلاص لازم اتعود ع الأحزان
مقسوم ياقلبي
بين حروف
ماشية وسط الروح
وقلب م الاحزان ... صدى
وازاي انام
وانا خايفة من بكرة
اصحى ... الأقي نفسي في السكه
واشوف روي وهي بتودع الضحكه
واصرخ اخبط ع البيبان
تجلجل في المدى دموعي
وطعم الحزن في عيوني
و برغم الكسر جوايا

أعافر أحاول انسي
كل أحزاني م الآخر
ما انا نفسي أعيش مش أكثر
ليه تملي معايا جارح !?
وأقولك إيه
وأنا شايفه إني عندك
مجرد ضيف
طب بس قولي
آخرتها إيه وياك
دا انا صابني منك
صداع نصفي
وألم نفسي
ومرض جسدي
وأقولك إيه وفر هواك

هو أنا بهواك راح اطيب
دا جرح الهوى مالوهش طيب
واللى غدر بيا
أعز حبيب
خلاص
..... بطلت أصدق أي كلام
سيبوني عايشه في الأوهام
دا قلبي اللي انكسر
شق السحاب
نزلت دموع المطر
حفرت قلب الحجر
فقررت ألملم أحلامي
جوه شنطة سفر